

右爲末。白及五兩與糯米糊一處。和劑成錠子。如梧桐子大。每用一錠。冷水磨化。卽下骨哽。若金石銅鐵。則以生薑汁磨化下。

世醫得效方卷第十七終

世醫得效方卷第十八

正骨兼金鑑科

秘論

骨節損折。肘臂腰膝出臼蹉跌。須用法整頓歸元。先用麻藥與服。使不知痛。然後可用手。

凡脚手各有六出臼。四折骨。每手有三處出臼。脚亦三處出臼。手掌根出臼。其骨交互相鎖。或出臼則是剝出鎖骨之外。須是搦骨。須鎖骨下歸窠。或出外則須搦入內。或出內則須搦入外。方入窠臼。若只用手拽。斷難入窠。十有八九成痼疾也。

手六出臼四折骨。凡手臂出臼。此骨上段骨是臼。下段骨是杵。四邊筋脉鎖定。或出臼亦剝損筋。所以出臼。此骨須拽手直。一人拽。須用手把定此間骨。搦教歸窠。看骨出那邊。用竹一片夾定一邊。一邊不用夾。須在屈直處夾。才服藥後。不可放定。或時又用拽屈拽直。此處筋多。吃藥後若不屈直。則恐成疾。日後曲直不得。

肩胛上出臼。只是手骨出臼。歸下。身骨出臼。歸上。或出左。或出右。須用春杵一枚。小凳一個。令患者立凳上。用杵撐在下出臼之處。或低。用物簾起。杵長則簾凳起。令一人把住手尾。拽去凳。一人把住春杵。令一人助患者放身從上坐落。骨節已歸窠矣。神效。若不用小凳。則兩小梯相對。木棒穿從兩梯股中過。用手把住木棒。正棧在出臼腋下骨節蹉跌之處。放身從上墜下。骨節自然歸臼矣。

脚六出臼四折骨。或脚板上交胛處出臼。須用一人拽去。自用手摸其骨節。或骨突出在內。用手正從此骨頭拽歸外。或骨突向外。須用力拽歸內。則歸窠。若只拽不用手整入窠內。誤人成疾。脚膝出臼與手臂肘出臼同。或出內出外。不用一邊夾定。此處筋脉最多。服藥後時時用屈直。不可定放。又恐再出窠。時時看顧。不可疏慢。

脚大腿根出臼。此處身上骨是臼。腿根是杵。或出前。或出後。須用一人手把住患人身。一人拽脚。用手盡力搦歸窠。或是剝開。又可用軟綿繩從脚縛倒吊起。用手整骨節。從上墜下。自然歸窠。

背脊骨折法。凡剝脊骨不可用手整頓。須用軟繩從脚吊起。墜下身直。其骨使自歸窠。未直則未歸窠。須要墜下。待其骨直歸窠。然後用大桑皮一片。放在背皮上。杉樹皮兩三片。安在桑皮上。用軟物纏夾定。莫令屈。用藥治之。

脚手骨被壓碎者。須用麻藥與服。或用刀割開。甚者用剪剪去骨鋒。便不衝破肉。或有粉碎者。與去細骨。免膿血之禍。然後用大片桑白皮。以二十五味藥和調糊藥。糊在桑白皮上。夾在骨肉上。莫令差錯。三日一洗。莫令臭穢。用藥治之。又切不可便輕易自恃有藥。便割便剪便弄。須要詳細審視。當行則行。尤宜子細。或頭上有傷。或打破。或刀傷骨碎。用藥糊角縛。不使傷風。切須記之。用藥治傷。則用糊藥封角。切不可使風入之浮腫。其惡血自消散。不致瘡口。

正骨金瘡脉候

正骨金瘡。須看脉候。如傷臟腑致命處。一觀其脉虛促。危矣。傷處淺。命脉虛促。亦爲後慮。傷至重。命脉和緩。永無慮也。脉有虛有實。有去來。有疏密。或被傷臟脉不死者。必關脉實重則無慮。或傷至死處。其關脉無。別脉洪大則難醫。如用兩件藥後。脉不轉動。急急住藥。若脉漸漸隨藥轉。此則可治無慮。或血出甚者。脉不要洪大。只要平正重實。其血不會出者。亦無惡血在內者。其脉欲洪大。不要疏密。亦不要進退來去。恐其變凶。看傷脉每與內科脉不同。或傷內。或致命。或難醫處被傷者。命脉便已去矣。此等切勿治之。

十不治證

癰撲損傷。或被傷入於肺者。縱未卽死。二七難過。左脇下傷透內者。腸傷斷一半可醫。全斷不可治。小腹下傷內者。證候繁多者。脉不實重者。老人左股壓碎者。傷破陰子者。血出盡者。肩內耳後傷透於內者。皆不必用藥。

用藥加減法

傷有淺深。隨其吉凶用藥。如折骨者。則用後二十五味接骨方治之。再加自然銅白芷乳香沒藥川芎各五錢立效。

若傷臟腑。用清心藥加川芎當歸赤芍藥各三錢。或肚腸傷破。加白及五錢。同後清心藥服。或被傷浮腫不退。加皂角黃柏皮半兩。入紫金皮散內傳之。或頭破傷風。亦用紫金皮散加皂角黃柏皮傳之立退。或筋斷接筋者。用二十五味加續斷半兩。或諸處傷痛不止者。仍用二十五味加川芎五錢。或惡血污心不下。用後清心藥加大黃枳殼五錢。或氣觸痛。加木通丁香藿香三錢同二十五味服之。凡加減末者加末。散者加散。其餘只依本方。不用加減。孕婦癰撲傷損。先用安胎藥。後服二十五味接骨去草烏川烏。餘依本方。

腸肚傷治法

肚上被傷。肚皮俱破。腸出在外。只腸全斷難醫。傷破而不斷者。皆可治療。腸及肚皮破者。用花蕊石散傳線上。輕用手從上縫之。莫待糞出。用清油熬活。放入肚內。肚皮裂開者。用麻縷爲線。或槌桑白皮爲線。亦用花蕊石散傳線上。須用從裏重縫肚皮。不可縫外重皮。留外皮開。用藥摻待生肉。

又用藥加減法

凡損若不折骨不碎骨。則不可用自然銅。於藥內除去。無痰則不用半夏。老人有傷者骨脉冷。每用加當歸川芎川烏木香丁香人參五錢。去白芍藥生地黃。此亦是二十五味內加減。老人卽服此。或傷臟腑者。不問老少。如有血并痰從口中出者。用清心藥加丁皮川芎半夏。入二十五味內同服。退腫角血或皮冷。加乾薑五錢。入退腫藥內糊腫上。腫及血自然退散。或皮膚熱者。加黃柏皮

皂角五錢。入腫藥內。角腫處自然退。

用麻藥法

顫撲損傷。骨肉疼痛。整頓不得。先用麻藥服。待其不識痛處。方可下手。或服後麻不倒。可加曼陀羅花及草烏五錢。用好酒調些少與服。若其人如酒醉。即不可加藥。被傷有老有幼。有無力。有血出甚者。此藥逐時相度入用。不可過多。亦有重者。若見麻不倒者。又旋添些。更未倒。又添酒調服少許。已倒便住藥。切不可過多。

用摻藥法

瘡口血出不止。則用方中止血藥傳之。如洗開後。瘡孔大甚。且先用降真香龍骨沒藥摻之。肉即生上。瘡孔上須用油單貼。待膿血汁出。莫待蔽塞。如夏月用藥。以薄荷葉貼瘡孔。一日一度湯洗。又用藥摻。如肉上滿瘡口。用手搨不痛。如好肉一般。即用收瘡口藥傳上。却莫貼。待風稍着瘡口立收。若未生實肉。切不可先收瘡口。裏面恐爲患也。

傷破肚皮用藥法

如傷孔大。肚腸與脂膏俱出。放入內則用縫。如孔小只有膏出。先用清心藥與服。用手擘去膏。不用縫。此膏出者已無用了。不可復入肚中。反成禍。只須擘去不妨。此是開肉。但放心去之。肚肉被傷者。專用退利大小腸。不可待秘。恐成重患。

打顫及樹木壓遍身痛者

打顫樹木壓。或自高處顫下者。此等傷皆驚動四肢五臟。必有惡血在內。專怕惡心。先用清心藥打血藥及通大小腸藥次第先服。臨服加童子小便入藥內立效。專用大小腸洗利。恐作隘塞。利害之甚。清心藥加前方通利大小腸藥服之。自然俱通。無悶煩。無惡血污心。以次用止痛藥。服之即止。

去惡血法

顫撲傷。刀石傷。諸般傷撲至重者。皆先服清心藥。次服清小便藥。三服去血藥。或被傷者血未結。打

從瘡口中出。或結在內。用藥打入大腸時卽泄出。或被打破顫被木壓惡血未積者。用藥打散四肢。或歸臟腑者。或歸上膈者。打從口中吐出。或歸中膈。打入大腸泄出。先用此急救。次服止痛藥。止痛藥卽二十五味藥中加減用。

用藥湯使法

凡藥皆憑湯使。所使方先但用清心藥煎。後用童便一盞同服。或止痛。重傷者則用薑湯燈心湯調二十五味藥服之。薄荷湯亦可。凡傷。或刀傷及損內臟腑。恐作煩悶崩血之患。如折骨者。用薑酒服。接骨藥傳之。如骨碎被重打重顫重木及石壓者。皆用先服湯使法。並未用酒服。如輕顫撲損傷。則用薑酒調下二十五味藥立效。

通治

顫撲刀傷接骨方服傳

臘月猪脂五兩

黃蠟牛斤以洗煎

鉛丹羅

自然銅四兩研

密陀僧四兩研

朱砂一兩研

右用新鑊鼎先鎔脂。次下蠟。於冷處下密陀僧鉛丹自然銅。緩火再煎。入水中不散。更出鼎於冷處下諸藥。用柳篋攪勻。瀉入瓷器內。不住手攪至凝。圓如彈子大。且用笋皮之類襯之。極冷方收。凡傷碎骨者。木石壓碎骨者。先用此藥火化開。糊骨上。然後夾定。用此藥服之。須作小圓。如梧桐子大。每服十圓。葱酒調下。或傷損深者。熬成條入孔中。淺者用油單爲膏藥貼之。甚者燈心裹木夾之。如藥力散再覺痛。更一服痛卽止。又痛甚者。貼之卽止。

又方二十五味服治顫撲損傷。骨碎骨折。筋斷刺痛。不問輕重。悉能治之。大效。

香白芷醋炒加減

紫金皮醋炒

劉寄奴

川當歸煨鹽水炒

赤芍藥

白芍藥米水浸炒

黑牽牛

生地黄鹽水浸炒

川芎米水浸

川牛膝茶水炒

乳香可加減

沒藥可加減

破故紙醋炒

木通去節

自然銅骨不碎折不用臨好時用

木香茶水炒

藿香

木賊

官桂可加減

羌活

獨活

半夏五錢水炒無痰不用

骨碎補

草烏醋炒孕婦不用

川烏火煨孕婦則不用各一兩

或加土當歸熟地黄鹽水炒杜牛膝茶水炒土芎米水浸尤妙。金刃傷剝出臼者。去自然銅。骨碎骨折者用之。然須於此方內且去自然銅。臨欲好時却入用之。早服成他疾。右先擇出自然銅官桂沒藥乳

香不炒者其餘藥或炒或火焙或日曬乾皆可。然後入不炒四味。同研爲末。用蜜糊圓如彈子大。用黃丹爲衣。或被顛撲傷損金刃箭鏃。不問輕重。每服一圓。如被刃傷全斷損內重者。以薄荷湯或木瓜湯薑湯燈心湯吞下皆可。或顛碎骨及折骨用自然銅。其他不用。如骨折碎刺痛不止。加乳香沒藥白芷川芎各五錢入諸藥中。生薑酒下。或不作圓。爲末亦可。功效如神。

又方服治顛撲接骨刀傷。

川當歸半兩洗淨別搗 鉛粉半兩洛粉爲上 鵬砂二錢

右爲末。每服二錢。濃煎蘇木汁調下。若損在腰上。先吃淡麵半碗了服藥。若在腰以下。先服藥後吃淡麵。仍不住呷蘇木汁。更以糯米爲粥。入藥末三錢拌和。攤在紙上或絹上。封裏損處。如骨碎更須用竹木夾定。以紙或衣包之。

清心藥方服

降眞香 香白芷醋炒 蘇木鹽水炒 枳殼水浸去心 藿香清油炒 丁香鹽水炒

紫金皮 木香茶水炒 丁香水米泔炒 木通去節 山梔子 大黃

蓮子肉酒煮 沉香 人參 當歸濕紙煨 川芎煨 羌活

獨活 花蕊石醋淬 烏豆 燈心少許 赤芍藥各等分

右爲末。或大小腸不通服此。亦可用五膈寬中散同服。立效。或惡血汚心。或煩悶暴死。每服二錢。薄荷湯或燈心湯調下。或童子小便尤好。爲散水煎服亦可。如痰血口中出加半夏。

自然銅散治打顛折骨損斷。正骨科中經驗方也。

乳香 沒藥 蘇木 降眞香 川烏去皮尖 松明節

自然銅火煨米醋淬七次各一兩 地龍去土清油炒半兩 眞血竭三錢 龍骨生用半兩

土狗十枚油浸焙爲末本草名蠼蛄

右爲末。每服五錢。用無灰酒調下。如病在上食後服。病在下空心服。服之自頂心尋病至下兩手。再周遍一身。下及兩足。遇病處則颯颯有聲。患人自覺藥力習習往來。

又方

自然銅累累然相絞如亂絲者最佳一兩重

右研細水飛過。同當歸沒藥各半錢和勻。每服三錢。酒調頻服。仍以手摩痛處。導滯散治重物壓逆。或從高墜下。作熱吐血下血。血出不能禁止。或瘀血在內。胸腹脹滿。喘粗氣短。

兼能打去惡血。

當歸

大黃各等分炒過

右爲末。每服二錢。不以時溫酒調下。

鷄鳴散凡墜壓死者。急安好處。以手袖揜其口鼻上一食頃。眼開。先與熱小便。若初覺氣絕不能言。急壁開口以熱小便灌之。打撲悶絕亦用。先以此利去瘀血。方見大方科失血類活血丹治患者血脉不和。筋急。行步不可。服之寬筋。

乾地黃酒煮二兩

當歸煨

白芍藥

續斷麵水

白朮煨

川芎醋炒各

右爲末。麵糊圓。梧子大。每服三十圓。溫酒下。

大嶽活血丹治男子婦人外傷內損。狗傷蟲咬。車馬撲墜。手足折傷。一切疼痛。腹中瘀血刺脇築心。左癱右瘓。走注疼痛。癰疽痔漏。及婦人冷氣入腹。血脉不通。產後敗血灌注四肢。及吹奶腫痛。

花桑枝如臂大者燒烟

栗栗蒲中心扁薄者切日乾各一斤

細墨半斤一牛用草麻三兩細研塗器上塗盡紙包黃泥固濟乾炭火約七斤燒赤冷地上出火兩時一牛用醋化硝砂塗器上火炙令乾

皂角刺一斤燒赤淬醋中炙乾

大黑豆一斤濕布揩去垢黑皮焙乾研

亂髮二斤皂角水淨洗用清油二斤炒額捻看掃即止爲末

乳香四兩通明滴乳者細研入米醋一碗熬熟

右和爲末。杵三千下。圓如彈子大。如膏乾。更入醋糊圓。痛甚一圓。輕者半圓。以無灰酒一盞。乳香一豆大。先磨乳香。次磨藥盡。煎三五沸。臨臥溫服。以痛處就床。欲汗則被覆。仍用藥塗傷處。切忌一切動風物。婦人服入當歸末一錢。孕婦勿服。

當歸散救急療墜馬落車。被打傷腕折臂。呼叫不絕。服此。呼吸之間不復大痛。三日筋骨相連。

當歸炒令香

桂心

甘草炙

蜀椒去汗各三分

芎藭六分炒

附子炮去皮臍

澤蘭炒各一兩

右爲末。酒服二三錢。日三服。如小兒被奔車馬所損。傷其膝。皮肉決。見骨節。絕死少蘇。啼不可聽。聞。服之便睡。十數日便行走。其神驗如此。忌海藻菰菜生葱猪肉冷水。

花蕊石散治一切金刃斫傷。箭鏃及打撲傷損身體。猫犬咬傷。或至死者。急於傷處糝藥。其血化爲黃水。再糝藥便差。更不疼痛。如內損血入臟腑。熱煎童子小便。入酒少許。調一大錢服之立效。若牛舐腸出不損者。急內入。細絲桑白皮尖。茸嘗線縫合肚皮。縫上糝藥。血止立活。如無桑白皮。用生麻縷亦得。並不得封裏瘡口。恐生膿血。如瘡乾。以津潤之。然後糝藥。方見大方科失血類

內損

大紫金皮散治打撲傷折。內損肺肝。嘔血不止。或瘀血停積於內。心腹脹悶。

紫金藤皮

降真香

續斷

補骨脂

無名異燒紅酒
滓七次

琥

珀別研

蒲黃

牛膝酒浸
一夕

當歸洗焙

桃仁去皮炒
各一兩

大黃紙裹
煨

朴

消別研各
一兩半

右爲末。每服二錢。濃煎蘇木當歸酒調。并進三服。利卽安。

沒藥丸治打撲內損。筋骨疼痛。

沒藥

乳香

芍藥

川芎

川

椒去子及
合口者

當

歸各半
兩

自然銅二錢半
炭火燒

右爲末。用黃蠟二兩溶開。入藥末不住手攪勻。圓如彈子大。每服一圓。用好酒煎開。乘熱服之。隨痛處臥霎時。連進有效。

打撲傷損

加味芎藭湯治打撲傷損。敗血流入胃脘。嘔黑血如豆汁。

芎藭

當歸

白芍藥

百

合水浸
半日

京芥穗各等
分

右剉散。每服四錢。水一盞。酒半盞煎。不以時服。

木香勻氣散治從高墜下。或打撲傷損腰脇。心腹作痛。加紅麴末少許。童子小便同酒調。空心熱服。如無紅麴。紅酒亦可。方見大方
科諸症類

麝香散治從高墜下。及打撲損傷。

麝香

水蛭各一
兩

右用水蛭剉碎。炒至烟出。研爲末。入麝再研勻。每服酒調一錢匕。當下蓄血。未效再服。其應如神。又治折傷。用水蛭熱酒調一錢。食頃知痛。更進一服。痛止。便將折骨藥封。直至安平方去。平胃散治打撲傷損。不問爪破與暗傷。悉能治之。用冷水調塗則愈。方見大方
科脾胃類雙烏散治諸傷百損。如被打破傷損。久後時時疼痛。雖新被傷。縱不破皮而內損者。尤宜服此。

川烏

草烏略炮各
三錢

當歸

白芍藥

蘇木

大黃

生乾地黃

紅麴炒各
半兩

麝香少許

右爲末。用酒煮一瓦瓶。放冷服。如覺痺麻無害。但二烏頭生用有力。恐太猛。所以用溫火略炮。救急方療墜馬落車。傷腕折臂。

當歸炒

桂心

甘草炙

蜀

椒炒出汗各七錢半

川

芎兩半

附子炮

澤蘭炒各一兩

右爲末。每用酒服二錢。立效。忌海藻菰菜生葱冷水等。

洗心散治傷損瘀血凝滯。大痛。大便亦痛。方見大方科積熱類

黑神散治傷損大吐血。或因酒食飽。低頭掬損。吐血至多。并血妄行。鼻口俱出。但聲未失。無不效者。

百草霜

蚌粉各等分

右爲末。每一二錢。糯米飲調下。側柏枝研汁尤效速。鼻衄搐一字。皮破灸瘡出血。舌上出血。並乾糝立止。

墜馬方細研銅末服之。頓愈。

蘇合香丸治從高墜下。挾驚悸。血氣錯亂。昏迷不省。急服大效。方見大方科中氣類

接骨散治打撲傷損。折骨。

半兩古文錢不拘多少。以鐵線貫之。用鐵匣盛。以炭火煨通紅。碗盛好酒米醋各半升。缺鉗開匣取錢。於酒醋中淬盡。澄去滴醋。以溫水淘洗。如此三次。淘洗數多尤妙。火毒不盡。令人患啞。既淨焙乾研細。入乳香沒藥水蛭等分。同爲末。每服半字或一字。生薑自然汁先調藥。次用溫酒浸平服。若不傷折。即時嘔出。若損折則藥徑下。如金絲纏弓上之力。神效。初服忌酒三日。

刀斧棒杖傷

禁聲飲子治棒杖刀斧傷。疼痛不可忍者。

防風去蘆 南星湯洗

右剉散。每服三大錢。水酒各半盞。生薑搥碎同煎。通口服。甚者不過三服立效。

龍骨膏治金瘡。

眞龍骨

海螵蛸

五倍子

赤石脂

黃

丹

煨過或不用只使血竭尤佳

石亭脂一方不用只用麝

右斟酌或等分用。如傷大。先以冷鹽水洗淨。却用黃桑生漿塗四圍。待水乾皮斂。卽乾敷。百發百中。

中。若小小傷。只以冷鹽水略洗便敷。此直截妙甚。

奪香散治刀刃所傷。及從高墜下。木石壓損。瘀血凝積。心腹疼痛。大小便不通。

紅 蛭 用石灰慢火炒令乾黃色半兩用

大 黃

黑牽牛 各三兩

右爲末。每服二錢。用熱酒調。約人行四五里。再用熱酒調牽牛末二錢催之。須下惡血成塊。以盡爲愈。

單方治打撲傷。金瘡悶絕。

右用蒲黃不以多少。爲末。熱酒灌下。

取箭鏃

天牛散

天 水 牛 一個獨角者尤緊以小瓶盛之用礪砂一錢細研水少許化開浸天水牛自然成水

右以藥水滴箭鏃傷處。當自出。

神仙刀箭藥妙不可言。

右以桑葉陰乾爲末。乾貼。如無。旋熨乾貼之。

又方土狗數個。搗取汁滴上。三五度箭頭自出。

治箭鏃入骨不可拔。

巴 豆 半粒

蛻 螻 大者一個去足翅

右各去殼同微熬。研勻塗傷處。斯須痛定。必微癢。且忍之。候不可忍。便撼動。拔之立出。以黃連貫衆溫湯洗了。用牛膽製風化石灰傅之。

針灸傷

內托黃耆圓治針灸傷經絡。膿流不止。

黃 耆 八兩

當 歸 三兩洗

肉 桂

木 香

乳 香 別研

沉

香 各一兩

右爲末。用菉豆粉四兩。薑汁煮糊圓。梧桐子大。每服五十圓。不拘時候。熱水下。

消 煩

正骨兼金鏃科

取箭鏃

針灸傷

消煩

四聖散治傷重煩悶欲死者用此打血利大小便

花蕊石散

黑神散

大聖散

蒲黃散

當歸

牛膝

川芎

白芷

蘇木

大黃

蓮子肉

右爲末和圓童子小便調服或木通湯亦可惡血立下

傳藥

活血散治打撲傷損手足

右用菉豆粉新鐵銚內炒令眞紫色新汲水調令成□膏厚傳損處須教遍滿貼以紙花將杉木皮一片縛定其效如神

治刀傷磕損血不止痛難禁用葱白一大握炒熟搗爛乘熱縛定痛與血隨止葱冷再易立效

治傷損用生骨碎補研爛取汁以酒煎服滓傳傷處數日平復及被笞捶身無全膚用之大效

治折骨傷筋痛不可忍生地黃一斤切藏瓜糟薑一斤生薑四兩炒令勻熟以布裹罨傷處冷則易之奇效腫重加赤小豆半升

地黃膏治打撲傷損臂白脫出及一切癰腫未破令內消用生地黃研如膏木香爲末以地黃攤紙上穆木香末一層又再攤地黃貼上明且痛即止效

單方治刀傷血出不止欲死用花蕊石散無效則用絕好降眞香一片用瓷瓦片刮下石碾碾細傳之大效

又方白滑石二兩黃丹五錢爲末乾糝

斂金瘡止疼痛

右以劉寄奴爲末摻之立效

又方以門扉後塵傳之

鉛粉散治手足折傷可服可敷半日後痛止手足堅牢立愈

右以川當歸鉛粉各半兩鵬砂二錢同研細蘇木煎汁調化一大錢損若在上先吃淡粥却服損在下先服藥後食仍頻呷蘇木汁別作糯米飲拌和藥攤貼損處以絹帛裹之骨碎用竹木同夾甚妙

白灰散治惡瘡刀斧傷見血

白石灰末不以多少。韭菜汁調。陰乾爲末。少許傳上。擦少時。血止便安。如腸潰出。桑白皮線縫合。罨之。帛繫定效。

又方晚蠶沙生用爲末。摻勻綿裏之。隨手瘡愈血止。

黃丹散治金瘡并一切惡瘡。

上等黃丹

軟石膏不以多少
火煨通紅

右研細和勻。如桃花色。摻傷處甚妙。

又方胡孫頭草黃花子如蒺藜骨錄者。村人謂之草血竭。以其能止血也。用其子爛研或爛嚼傳傷處。血立止。

又方

黃蘗半斤

半夏四兩

右爲末。每用半兩。生薑半兩。生地黃取自然汁調塗癰處。如折斷。用絹帛封縛。次用杉木皮扎定。乾則頻上薑地黃汁潤。

又方治金刃或打傷。及碎首血出不止。

降真香五倍子鏡面上削下銅青各等分。爲末傳傷處效。

又方治刀斧傷。

隔年四月苧麻。揉令極軟。覆在傷處。縛定血止。用野苧葉亦可。

又方水龍骨即船上多
年油灰爲末傳傷處。用帛片扎定。皮裂開以桑白皮線縫合。用蘇木五倍子末封之。

又方治傷至重。但不得透膜者。

海味中鹹白鰓。揀大片色白而有紅絲者。成片鋪在傷處。以帛子扎之血止。如膏脂出不傷內膜者。卽剃去傷人頂心髮。以熱熨斗不令其知於新剃頂上一盪。膏脂卽入。以桑白皮線縫合。用血

竭草木臘葉磁石爲末。乾傳瘡上卽合。

又方五月五日採馬鞭草缺盆草血見愁即草
血竭搗爛。同風化石灰爲末塗之。卽愈。

治血聚皮不破方蘿蔔葉研細罨傷處。以帛縛之。

減痕方治打撲有痕傷。瘀血流注。

半夏爲末。調塗傷處。一宿不見痕。

又方治瘀血流注紫黑。或傷眼上血紫黑。

大黃爲末。用薑汁調塗。一夜一次上藥。一宿黑者紫。二宿紫者卽白矣。

洗方

荊葉散治從高墜下。及一切傷折筋骨。瘀血結痛。

荊葉兩半

蔓京子

白芷

細辛去苗

防風去蘆

桂心

川芎

丁皮

羌活各一兩

右爲末。每用一兩。鹽半匙。連根葱白五莖。漿水五升。煎五七沸。去滓。通手淋洗痛處。冷卽再換。宜避風。

破傷風

玉眞散治風自諸瘡口入。爲破傷風。強項。牙關緊。欲死者。

防風去叉

天南星湯泡各等分

右爲末。每服三錢。童子小便□大盞煎。熱服。

香膠散治破傷風口噤強直。

魚膠燒七分留性 麝香少許

右研勻。每服二錢。酒調。不飲。米飲下。一方蘇木煎酒下。

急風散治久新諸瘡。破傷中風。項強背直。腰反折。口噤不語。手足抽掣。眼目上視。喉中鋸聲。及取箭頭。

麝香研一字

丹砂一兩

生黑豆一分同草烏爲末

草烏三兩半生用半燒存性米醋同淬

右爲末。和勻。破傷風以酒一盞調半錢服。神效。如出箭頭。先用酒一盞調服半錢。却以藥貼箭瘡上。

破傷濕

牡蠣散治破傷濕口噤強直。

牡蠣取末粉傳瘡口。仍以末二錢煎甘草湯調下。

舒筋法

舒筋法治破傷後筋攣縮不能伸。他病筋縮亦可用。大竹管長尺餘。鑽一竅。繫以繩。掛於腰間。平坐貼。舉足槎滾之。勿計工程。久當有效。

退腫

蒼朮散治打撲損傷。皮不破。浮腫者。及角血。用此退之。

紫金皮

蒼朮

豬牙皂角

鹽醋炒

雞脚風葉

骨碎補

各等分

右爲末。水調糊腫處。

紫金皮散治一切打撲損傷。金刃箭鏃浮腫。用此效。

紫金皮

醋炒

天南星

半夏

黃

柏

鹽炒

草

烏

炮

川

烏

炮

川芎

茶炒水

川當歸

煨

杜當歸

烏藥

川白芷

鹽水炒

破故紙

劉寄奴

川牛膝

桑白皮

各等分

右爲末。生薑薄荷汁兼水調糊腫處或傷處。皮熱甚。加黃柏皮生地黃五錢。有瘡口者勿封其口。四畔用此糊之。

麻藥

草烏散治損傷骨節不歸窠者。用此麻之。然後用手整頓。

豬牙皂角

木鱉子

紫金皮

白芷

半夏

烏藥

川芎

杜當歸

川

烏

各五兩

舶上茴香

坐拏草

酒煎熟

草

烏

各一兩

木香

三錢

傷重刺痛手近不得者更加坐拏草烏各五錢及曼陀羅花五錢入藥

右並無煨製。爲末。諸骨碎骨折出臼者。每服二錢。好紅酒調下。麻倒不識痛處。或用刀割開。或用剪去骨鋒者。以手整頓骨節歸元。端正。用夾夾定。然後醫治。或箭鏃入骨不出。亦可用此麻之。或用鐵鉗拽出。或用鑿鑿開取出。後用鹽湯或鹽水與服立醒。

合瘡口

正骨兼金鏃科

舒筋法

退腫

麻藥

合瘡口

松皮散治金刀箭鏃。傳瘡口。兼能生肉。

老龍皮二分末

生石灰二停礦者用瓦盛上用瓦蓋炭火四畔上下煉一夜至曉取研細

右爲末傳之。止血收瘡口立效。

又方合瘡口。黃丹白滑石研細傳之。

又方黃連木香檳榔爲末傳之。

又方

降真香

牛膝

石灰

人

骨醋炒

眞龍骨

老松皮各一兩

右用黃牛膽一枚。將小竹管插膽中。以石灰末從管中入膽內。掛高處日乾。要用力破開。同諸藥爲末。傳瘡肚中。不痛自愈。

太乙膏治金瘡箭鏃。不問輕重。用此傳之。并治癰疽癰毒。

白芷

乳香火製

沒藥

蒼朮

白膠香

石膏醋炒

黃丹各五錢

右爲末。用眞清油四兩。桐油眞者亦可。以黃蠟一兩。先煎油。柳枝攪。次入白芷等四味煎少頃。却

入膠香石膏等同煎。試欲成珠。却入蠟同煎片時。用生布濾過。瓦器後藏。用油單攤之。損傷傳瘡口。自然肉不痛。速愈。

止血收瘡口方藏血用此。瘡大者以燈心蘸入孔中。

白膠香主接筋

老松皮

白芷

龍骨

血竭各一兩

爲末傳之。

又方

土朱二兩用瓦盛五上火煉一日

人骨火煉者

老松皮

龍骨各等分

右爲末傳之妙。

又方鷄內金焙爲末。傳之立止。

乳香膏老金瘡杖瘡神效。

乳香七錢

沒藥七錢

白芷

當歸

羌活

獨活

川牛膝

川芎

自然銅

石膏

劉寄奴

黑牽牛

黃柏皮

破故紙

白膠香

生地黃

熟地黃

赤芍藥

正骨兼金鐵科

含瘡口

白芍藥

黃丹

紫金皮各五錢

黃蠟一兩

右爲末。用真清油四兩煎沸。却入藥同煎。留膠香黃蠟黃丹末入。用柳枝不住手攪。試將欲成膏。却入三味。更試成膏。生布濾淨。用瓦器盛水。傾在水中。用篋攤開。貼傳瘡口。孔深者。撚成膏條。穿入孔中。不問淺深。放瘡上作熱。加輕粉梅花腦子朴消入膏內貼。久留可再用瓦下盛須封裹

斷筋

小香膠散

白膠香末傳之。又方金沸草根搗汁塗筋。封之可相續。

止痛

乳香散治打撲傷損。痛不可忍者。

白朮炒

當歸炒

粉草

川白芷

沒藥另研

交趾桂

明乳香另研

右爲末。入別研藥令勻。每服二錢。酒調。不以時服。

應痛圓治折傷後爲血氣所侵。手足疼痛。

生蒼朮半斤

破故紙半斤半生炒

舶上茴香六兩炒

骨碎補半斤去毛

穿山甲去腹鱗灰炒服爲度柴灰亦可

生草烏半斤剉如麥大

右除草烏半斤。用生葱一斤。連皮生薑一斤。搗爛。草烏一處淹兩宿。焙乾。連前藥同焙爲末。酒煮麵糊圓。梧桐子大。每服五十丸。酒或米飲下。忌熱物。片時□麻無妨。

尋痛圓止痛清心。行氣活血。如神。

草烏去皮尖生用

乳香火熨

沒藥火熨

五靈脂各三兩

生麝香少許

右爲末。酒糊丸。如指頭大。朱砂五錢研爲衣。每服一丸。薄荷生薑研汁磨化。止痛。

卷第十八終